

men haud uidimus, minus autem, clades accepta, quod Christianæ Reipublicæ Imperatoris, contra omnes militum furores, prouidentia factum est.

Nosti ad hæc optime. N. non ex genere formam, neq; ex toto partem concludi, sed contra: tu autem ita scribis. *Si homo læditur, ergo & hominis corpus.* Contra potius agendum est, & ascēdendum, si uelis in murum scandere. Dictū igit̃ laudarē tale, vitiato alimēto, læditur corpus, et corpore humano affecto, homo uiolatur. Nā si dicas, læditur homo, ergo corpus. (atque ita scribis) perinde est ac si dicas, offendisti senatū, ergo Tullium uulnerasti. Potest homo affici, non tamen ex eo conficies partem aliquam certam, & singularem lædi. Nisi distinguas, homo uiolatur ergo uel corpus, uel animus.

Præterea scribis, *corpus hominis vitiatur, ergo & animus.* Quæso quis tibi hoc dederit? nam uideo multa morborum genera, in quibus grauissimè corpus, minimè uerò animus vexatur. Neque ratio ualens est, à materia ad formam ducta, præterquam quod officis tibi ipse, dum ais, *corpus vi Comete elemētari afficitur, animus autē abstrusa vi.* Primū, qualis hæc noua in Cometis occulta uis? Quis eam hæctenus ponit? aut si ponit, hanc esse docet? Deinde ecquam tu nosti, actionem uirtutis, quam uirtutem minimè cognoscas, non? Nā in magnete aperta est actio. Motus enim à sensu percipitur. Nos aut̃ scimus animi nostri affectus esse, cum à corporis temperamento, tum ab imaginibus obiectis, gratis uel ingratīs. Neque à Cometa pulsari, aut moueri leuiter animum, ullo pacto cognoscimus: & ne uel minima quidem suspicione persequi possumus. Quod si dederō tuam istam vim arcanam, dicas amabo te, ubi nam illa hærebit? Cometa extincto, si uelis manere calorem, dabo aliquem disputandi gratia. Recondita uerò facultas, quæ in subiecto ualente uiget, quam statues Cometa tam nullo; uultis tamen, anno etiā post octauo, vires in Cometa durare perniciosas. Et que-

G